

LABURAREN

Alcatelek datozen asteotan iragarriko ditu 23.000 kaleratzeei buruzko xehetasunak

Alcatel talde frantziarrak datozen asteotan emango du argitzera iragan ostiralean iragarritako 23.000 kaleratzeak noiz eta nola gauzako dituen. Gizarte harremanetarako zuzendari Pierre Berrettik esan zuenez, taldeak «herrialdez herrialde aztertuko ditu kaleratzeak eta leku bakoitzean emango du horien berri». Alemania, Belgika, Espainia, Frantzia eta Italiako sindikatuek bilera egingo dute gaia aztertzeko.

ELA sindikatua 100.000 kide izatera iritsi da abuztuan, urte hasieran baino %3,21 gehiago

100.000 kidetik gora izatera iritsi da ELA euskal sindikatuak. Sindikatuaren arabera, «kopuru hori ELA sindikatuak euskal langileen artean duen geroz eta onespen handiagoaren isla da, eta hori lagungarri izango da hauteskunde sindikalei baikortasunez aurre egiteko». Sindikatuko antolaketa arduradunak, Txema Laisekak, hazkunde ELAren eredu sindikalarekin zuzenki loturik da goela adierazi zuen.

Pasaiako Ontziolako batzordeak Jaurilaritzari beste bide batzuk bilatzeko eskatu dio

Pasaiako (Gipuzkoa) Ontziolako langileek Eusko Jaurilaritzako ordezkariekin bilera izan zuten. Bertan enpresaren lan eta ekonomia egoera azaldu zieten, «aukera» berriak aztertzeko. Hala «beste bazkideren bat sartu ahal izatea erraztea» eskatu zioten. Langileek ekoizteari utzi zioten iragan astelehenean soldadak zor dizkietelako. Gaur batzarra egingo dute erantzuna aztertzeko.

ARDOGINTZA. Lakuaren ustez, Espainiako legea «EAEko kalitatezko ardoen aurka doa»

Eusko Jaurilaritzak EAERako Ardoaren Lege propioa aurkeztu du

Legeak sektorea «ordenatu, hobetu eta arautzea» dauka helburu



RAUL BOGAJO / ARGAZKI PRESS

Gonzalo Saenz de Samaniego EAEko Nekazaritza eta Arrantza sailburua atzo Legebiltzarrean.

Ainhoa Gutierrez | GASTEIZ

Eusko Jaurilaritzako Nekazaritza eta Arrantza sailburu Gonzalo Saenz de Samaniegok Araba, Gipuzkoa eta Bizkaiko Ardoaren Legea aurkeztu zuen atzo Legebiltzarreko Nekazaritza eta Arrantza Batzordean. Saenz de Samaniegok adierazi zuenez, «Ardoaren aurreproiektuak sektorea ordenatzea, hobetzea eta arautzea du helburu».

Espainiako Gobernua prestatzen ari den Ardoaren Legearen aurrean, Eusko Jaurilaritzak EAERako lege propioa aurkeztu

zuen atzoko agerraldian. Saenz de Samaniegok esan zuenez, «Madrilgo legea EAEko kalitatezko ardoen aurka doa». Era berean, PPren legeak «ardoaren merkaturak bakarrik» arautzen duela gaineratu zuen.

PPren gobernuak maiatzean onartu nahi zuen Ardoaren Legea. Hala ere, sektorearen presioek atzeratu dute proiektua. Izan ere, lege horren aurkako jarrera erakutsi dute Arabako Errioxako ekoizleek, Jatorri Izenaren Kontseilu Arautzaileak zein Jaurilaritzak, besteak beste.

Funtsean, Madrilgo eta EAE-

ko legearen artean bi ezberdintasun daudela dio Saenz de Samaniegok: alde batetik, PPren legeak soil-soilik ardoaren merkaturak arautzen duela dio; bestetik, legeak ez duela ardogintzaz nahiz ardoaren ekoizpenaz hitz egiten.

83 milioi botila ardo saldu dira

Jaurilaritzak emandako datuen arabera, iazko urtea «onena» izan da ardoarentzat. Izan ere, 83 milioi botila ardo saldu dira (horietako 81 milioi, jatorri izenekoak izan dira).

Txakolinari dagokionez, jatorri izeneko 1,5 milioi botila ardo

2001-eko DATUAK

Ardoaren datuak inoizko onenak izan ziren iaz

Jaurilaritzako Nekazaritza eta Arrantza Sailak dioenez, 2001eko emaitzak «onenak» izan dira Araba, Gipuzkoa zein Bizkaiko ardoarentzat.

SALMENTA. 62 milioi litro ardo saldu dira; hots, 83 milioi botila. Horietatik, 81 milioi jatorri izeneko ardoak izan dira.

ATZERRIKO MERKATUA. Gipuzkoa, Araba eta Bizkaiko ardo ekoizpenaren %25 atzerriko merkatura zuzentzen da.

ARABAKO ERRIOXA. 10.000 biztanle eskaseko eskualde horretan, 1.900 pertsonak lan egiten dute ardoaren sektorean.

TXAKOLINA. Bertako jatorrizko izenentzako babesa eta erabilera bakarra lortu du txakolinak.

saldu dira. Sailburuak nabarmendu zuen bertako jatorri izenentzako babesa eta erabilera bakarra lortu duela *txakolin* izenak.

Arabako Errioxan 1.900 pertsonak lan egiten dute ardoaren sektorean. Orotara, 120 upeltegi daude (ardo egiteko eta merkaturatzeko). Urteko fakturazioa 320 milioi eurokoa da, eta ardogintzak 1.550 pertsonari ematen die lana.

Atzerriko merkatuari dagokionez, EAEn ekoiztako ardoaren %25 zuzentzen da bertako merkatuetara.

Alderdiek bat egin dute «sektorea arautu beharraz». Hala ere, Jaurilaritzaren aurreproiektua zehaztasunez aztertu behar dutela diote gehienek.

BURTSA. Urteko minimo berria, zazpigarren galera egunean

‘Gorritxo’ bizi da

J. B. Andueza |

Iruñeko Osasunak *Gorritxo* maskota desagerrarazi zuen, baina argi dago: Bilboko bursak fitxatu du. Atzo, zazpigarren galera eguna jarraian eta minimo berri bat. Gorria izan zen goiz gehienez nagusi eta, Dow Jones ere galera handiekin hastean, garbi gelditu zen urte-

ko minimoen erreskak ez zuela atzokoan etenik izango. Hego Amerikak gero eta itxura txarra du eta Brent petrolio upelak 29 dolar gainditu ditu, Irak eraso soko duten beldurrez. Ondorioz, SCH eta Endesak %4na pasatu galduta zuten, BBVak %5,65 eta Telefonikak %3,6. Gaurko Erreserba Federalaren bileran ez da aldaketarik espero.

DATUA

Alemanian Schroederren bazkide diren Berdeen igorak mesede egin dio Arabako Gamesaren (+%0,69) akzioei, antza; bera izan baizen Ibex-35ean galerei ihes egin zien bakarra, ACS (+%0,17) eta Moviles-ekin (+%0,16) batera. Urte hasieratik %5,8 baino ez du galdu Gamesak.

Bilboko 2000 indizea

Diferentzia **-2,65** | Azken indizea **1.020,67** | Aurreko indizea **1.048,46**

**Beste indizeak**

New York (Dow Jones)*	7.844,18 (-%1,63)
Tokio (Nikkei)	9.481,08 (jai eguna)
Madril (IBEX-35)	5.580,1 (-%3,14)
Paris (CAC-40)	2.794,31 (-%3,34)
Londres (FTSE 100)	3.739,4 (-%3,13)
Frankfurt (DAX)	2.914,25 (-%4,94)
Milan (Mibtel)	16.241 (-%4,32)

* Eguerdina arte

Dibisen merkatua

	Euro bat
Pezeta	166,386
Libera	6,55
Dolarra (AEB)	0,9831
Libera Esterlina	0,6319
100 Yen (Japonia)	121,04